

**Apeqquteqaat aallaavigalugu oqallittoqarnissaanut siunnersuut: Ingerlatseqatigiiffis-suit Namminersorlutik oqartussanit pigineqartut siunissami inuiaqatigiinni qanoq iliuusissatigullu pilersaarutini qanoq inissisimatinneqassappat?**

(Inatsisartuni ilaasortaq, Karl-Kristian Kruse, Siumut)

**Akissuteqaat**

(Naalackersuisut Siulittaasuat)

Aallaqqaasiullugu Naalackersuisut Karl-Kristian Krusep, Siumumeersup Ingerlatseqatigiiffis-suit Namminersorlutik oqartussanit pigineqartut siunissami inuiaqatigiinni qanoq iliuusissatigullu pilersaarutini qanoq inissisimatinneqassanerat pillugu apeqquteqaat aallaavigalugu oqallinnissamat siunnersuutaanut qujapput. Sammisaaq tamanna pillugu apeqquteqaat aallaavigalugu oqallinnissaaq pissutsinik ingerlatseqatigiiffinni namminersorlutik oqartussanit pigineqartut ineriartornermi atorineqartunik paasiniaasoqarnissaanik periarfissiivoq.

Aallaqqaasiullugu Naalackersuisut ilisimatitsissutigisinnaavaat, ingerlatseqatigiiffiup ineriartornissaa pillugu ingerlatseqatigiiffiit aqutsisui suleqatigalugit ingerlaavartumik oqaloqatigiinnerit ingerlanneqartarmata, kiisalu ingerlatseqatigiiffiit ataasiakkaat aqqissuunneqarnissaminnut naleqquttuunersut aamma piareersimanersut. Naliliinerit taakku aningaasaqarnikkut inuiaqatigiinnullu tunngasutigut aallaaveqartinneqarput, pissutsillu taakku pingaaruteqarnerpaat ilagaat, piginneqatigiiffimmik ingerlatsineri malunnaatilimmik allannguisoqassatillugu nalilersuineri tunngaviusariaqartut.

Ataatsimut isigalugu siunnersuuteqartumut Naalackersuisut isumaqataapput, tassa ingerlatseqatigiiffinnik suliffeqarfinnullu piginnittuunerput suli ineriartortinneqassasoq aamma ingerlatseqatigiiffiit aningaasanik iluanaarniarneq kisiat siunertarinagu aamma allanik siunertartartinneqassasut. Ingerlatseqatigiiffitta siunertarivaat kalaallini inuiaqatigiinni tunisassiorneq tapersersussallugu aamma nunami innuttaasunut tulluurtumik kiffartuussinissaaq qulakkiissallugu. Ingerlatseqatigiiffiit namminersorlutik oqartussanit pigineqartut tamarmiullutik siunertartarput - inuiaqatigiinni suliarineqartariaqartunik aqqiivigisassaqarput.

Taamaattoq ingerlatseqatigiiffiutitta ineriartornerat siunissaallu eqqartorneqartillugit ingerlatseqatigiiffiit assigiinnginnerujussuat maluginiassallugu pingaaruteqarpoq, ingerlatseqatigiiffiillu ineriartornissaannut naalackersuinikkut anguniakkat aamma assigiinngitsorujussuumata.

Assersuutigalugu soorlu Royal Arctic Line A/S, Kalaallit Airports A/S, Tele Greenland A/S, KNI A/S, Sikuki Nuuk Harbour A/S aamma Air Greenland A/S attaveqaatitigut pilersuinikkullu suliffeqarfiupput. Ingerlatseqatigiiffiit taakku ilaatigut ataatsimuussutigat

pilersuinermik kiffartuussinermillu ingerlataqartuugamik, tamannalu aqutigalugu "nunarput tamakkerlugu" sullissisuummata ajunngitsumik assigiissumillu kiffartuussisuullutik.

Ingerlateqatigiiffittut ingerlatat allat assersuutigalugu tassaapput NunaOil A/S, Greenland Holding A/S, Greenland Oil Spill Response A/S aamma Visit Greenland A/S. Ingerlatseqatigiiffiit taakku mikisuupput aamma niuernerup tungaatigut ingerlatsinermik nalinginnaasumik isumaginnittuunatik. Ingerlatseqatigiiffinni taakkunani ingerlatseqatigiiffinnik ingerlatseriaaseq toqqarneqarsimavoq ilaatigut aalajangeeriaatsinik naalackersuinikkut allaffissornermi allaffissornikkullu attuumassuteqanngitsumik atuilluni ingerlatsisoqarnissaa qulakkeerniarlugu.

Ingerlatseqatigiiffittut allatut ingerlatat pingajoraat Royal Greenland, taannalu niuerfinni unammillerfiusuni tamakkiisumik iluanaarfiusussatut ingerlanneqarpoq.

Allatut oqaatigalugu ingerlatseqatigiiffiit kalaallini inuiaqatigiinni assigiinngitsunik naammassinnittarput. Eqqumaffiginiassallugu pingaaruteqarpoq. Ilaat niuernermik ammasumik aamma unammilleqatigiiffiusumik ingerlatsipput, allat inatsisit imaluunniit akuersissutit aqutigalugit nalinginnaasumik unammilleqatigiinnerup avataani inuiaqatigiinni suliassanik naammassisassanik isumaginnittarput.

Taamaattumik pisariaqarpoq, ingerlatseqatigiiffiit ataasiakkaat tunngavigisaat aallaavigalugit niuernermik eqqortumik aaqqissuussinissaq. Ingerlatseqatigiiffiup suna inissisimaffigaa? Ingerlatseqatigiiffik sutigut naammassinnittassava? Suut iluaqutaasinnaappat, ajoqutaasinnaappat sunniiveqatigiissinnaappalluunniit ingerlatseqatigiiffiit Namminersorlutik Oqartussanit pigineqartut aaqqissuussaanerisa allannngortinneqarnerisigut.

Naalackersuisut isumaqarput, piginneqatigiiffitsinnut aalajangersimasunik anguniagassanik tunngavissanillu peqartuarsimasoq, tamakkulu atuussimapput ingerlatseqatigiiffiit ataasiakkaat pilersinneraniilli, tamakkulumi aamma Inatsisartuni Naalackersuisunilu naalackersuinikkut isumaqataaffigineqarluarsimapput. Assersuutigalugu ukiut ingerlaneranni tunngaviatigut aalajangiussimaneqartuarpoq ingerlatseqatigiiffiit naalackersuinikkut allaffissornermi aningaasaqarnermut aqutsisoqarnermullu attuumassuteqarnatik ingerlanneqassasut aamma ingerlatseqatigiiffiit naalackersuinikkullu allaffissornermi aqutsisut akornanni aningaasaqarnikkut ammasumik ingerlatsisoqarnissaanik ingerlatseqatigiiffiillu attuumassuteqartut niuernerannut illersorneqarsinnaasumik ingerlatsisoqarnissaanik tunngaviit attatiinnarneqarlutik.

Tamaat isigalugu nalornisigineqassanngilaq ingerlatseqatigiiffinni assigiinngitsuni sammineqartut niuernikkut illersorneqarsinnaasumik tunngaveqarluni ingerlanneqassammata, tamatumani ingerlatseqatigiiffiit ineriartortuarnissaat aamma pingaaruteqarmat, tamannalu inuiaqatigiinnut iluaqutaalluni. Naalackersuisut erseqqissaatigerusuppaat, ingerlatseqatigiiffissuit Namminersorlutik Oqartussanit pigineqartut allatut aaqqissuunneqarnissaat suliassaasoq annertoq aamma suliassaavoq inuiaqatigiinnut akuersaarneqarsinnaasumik akuersaarneqarsinnaanngitsumilluunniit kinguneqarsinnaasoq.

Naalakkersuisuniit taamatut oqaaseqarluta Inatsisartut oqallinnissaat qilanaaraarput.